
Namminersornerullutik Oqartussat
sanaartugassat suliariumannittussarsiuunneqartarnerat pillugu
kaajallaasitaannut 1. oktober 2000-imeersumut
ILITSERSUUT

Imarisai

I. Ilisimatitsissutit nalinginnaasut

Tunuliaqut	3
Kaajallaasitap inatsisitigut sunniutissai	3
Suliariumannittussarsiortarneq pillugu Namminersornerullutik Oqartussat nalunaarutaat nr. 41, 7. oktober 1994-imeersoq.....	3
Kaajallaasitap imarisai pingaarnerit.....	5
Aalajangersakkanut ataasiakkaanut nalunaarsuutit.....	6

II. Aalajangersakkanut ataasiakkaanut nassuiaatit

§ 1-imut tunngatillugu	6
Suliassat pisiassallu suuppat?.....	6
Nammineq oqartussaaffigalugu suliassaq	7
Suliarinnitsitsinerit agguataarnerat.....	8
Allanut suliarinnitsitsinerit.....	8
§ 2-mut tunngatillugu	9
§ 3-mut tunngatillugu	10
§ 4-mut tunngatillugu	11
Suliariumannittussarsiuussineq: "suliassaq ataaseq"	11
Suliassat tamakkerlugit suliarinnitsitsineq: "suliassat assigiit" pineqarani.....	12
§ 5-mut tunngatillugu	13
§ 6-mut tunngatillugu	13
§ 7-mut tunngatillugu	14
§ 8-mut tunngatillugu	15
Neqerooruteqarneq sorleq akikinnerpaava?	16
Neqeroorutinik akikinnerpaanik itigartitsineq.....	17
Sanatitsisup pappiaratigut uppersaanera.....	17
§ 9-mut tunngatillugu	17
§ 10-mut tunngatillugu	18
§ 11-mut tunngatillugu	18
Paasissutissiiisussaatitaaneq.....	18
§ 12-mut tunngatillugu	18

Namminersornerullutik Oqartussat sanaartugassat suliariumannittussarsiuunne-qartarnerat pillugu kaajallaasitaannut 1. oktober 2000-imeersumut ilitsersuut

I. Ilisimatitsissutit nalinginnaasut

Tunuliaqut.

Sanaartugassanik suliariumannittussarsiuussisarneq pillugu Namminersornerullutik Oqartussat kaajallaasitaata 1. oktober 2000-imeersup “Sanaatornerna Namminersornerullutik Oqartussanit aningaasalersorneqartuni suliaasanut tunniutassanullu suliariumannittussarsiortarneq pillugu Namminersornerullutik Oqartussat nalunaarutaat nr. 41, 7. oktober 1994-imeersoq” nalunaaru-tikkut 1. oktober 2000-imiit atortuulersukkut atorunnaarsinneqartussaq taarsissavaa.

Kaajallaasitap siunertaraa Namminersornerullutik Oqartussat sanaartugassaataasa sanaartugassallu allat Namminersornerullutik Oqartussanit tapiiffigineqartut neqerooruteqartitsivigineqarneranni unammilleqatigiinnissap qularnaarneqarnissaa.

Kaajallaasitap inatsisitigut sunniutissai.

Kaajallaasitap taamaallaat atuuffigai Namminersornerullutik Oqartussat pisortaqarfii taakkununggalu atallutik suliffeqarfiit, ilanngullugit suliffeqarfiit nammineerlutik ingerlatitat, taakkua tapiissuteqartutut oqartussaasuuppata, sanaartugassanut pisiassanulluunniit ataa-siakkaanut neqerooruteqartitsisuuppata sanatitsisuuppataluunniit. Kaajallaasitaq nammineq neqerooruteqartitsisup neqerooruteqartullu akunnerminni aammalu sanatitsisup sullissisullu akunnerminni inatsisitigut inissisimanerannut attuumassuteqanngilaq. Taamaammat kaajallaasitami malittarisassat illuatungeriinnit taakkunanga tunngaviginiarneqarsinnaanngillat.

Suliariumannittussarsiortarneq pillugu Namminersornerullutik Oqartussat nalunaarutaat, nr. 41 af 7. oktober 1994.

Peerneqartut ataatsimut isigalugu tassaapput makku pillugit aalajangersakkat:

- fagit immikkoortiterlugit pinngitsoorani suliariumannittussarsiortussaaneq,
- suliaasanut pisiassanullu 2 mill. kr.-it inorlugit nalilinnut neqerooruteqartitsisarneq,
- naammagittaalliornissamut periarfissaq,
- sulinerlut tunngasumik piffissarlu suliffissaq pillugit aaqqiagiinngissutit.

Faginat immikkoortiterisarneq siusinnerusukkut pingaernerutillugu salliutinneqartarpoq pingaartumik inoqarfinni mikinerusuni mesterit akuerineqarsinnaanissaasa kissaatigineqarnera naammassisinnaajumallugu. Fagit immikkoortiterlugit neqerooruteqartitsisarneq unammilleqatigiiffiunerusarpoq sumiiffinnimi arlalinni suliassaqaarfiit assigiinngitsut iluini suliffeqaarfiit arlaliusarmata. Taamaattumik pisortat sanaartortitsisarneranni faginat immikkoortiteri-sarnerup ingerlaannarnissaa ilimagineqarpoq.

Aaqqissuussinermili misilittakkatigut erserpoq suliat sullissisunut arlalinnut imminnut ilisarisisannngitsunut qaqutigooortuunngitsumik suliassanngortinneqartatut. Iluatsitsinninnerpaaffinni pisarialimmik suleqatigiinnissami ajornartorsiutit pilersinnaasarput. Suliassat ilaanni suliassat suliamik sullissisunut mikinerusunut ataatsimoortillugit katersornissaat iluaqutaasinnaavoq, taamaalillunilu suliassat aqunneqarnerat pisariillisinneqarluni.

Suliassat pisiallu 2 mio. kr.-it inorlugit nalillit killilimmik neqerooruteqarfigitinneqarsinnaanerannik aalajangersagaq unammilleqatigiinneq annertusarniarlugu peerneqarpoq.

Kaajallaasitaq maalaaruteqarfiusinnaasut pillugit aalajangersakkamik imaqanngilaq, takuuk qupperneq 3-mi sulariumannittussarsiuussinermi kaajallaasitap inatsisitigut sunniutissai pillugit nassuiaatit.

Sulinermut tunngasumik piffissallu suliffissap aaqqiagiinngissutigineqarneri pillugit aalajangersakkat ilanngunneqanngillat, tassami Isumaginninnermut Suliffeqarnermullu Pisorta-qarfiup aamma Ineqarnermut, Attaveqarnermut Pilersuiner nullu Pisortaqaarfiup akornanni isumaqatigiissutaamat ilaatigut sanaartorerup iluani suliffeqarnermut ilinniartitaanermullu tunngasut siunissami maleruagassiuunneqarnissaannut apeqqut ISP-mit aammalu Kulture-qarnermut, Ilinniartitaanermut, Ilisimatusarnermut Ilageeqarnermullu Pisortaqaarfimmit isumagineqassasut pisortaqaarfiit taakku pingasut ISP, KIIIP aamma IAPP attorneqartut suleqatigiiffigisaannik. Taamaamat isumaqartoqarpoq sulariumannittussarsiuussisarnerup iluani maleruagassiat eqaatsut suliffeqarnermut ilinniartitaanermullu tunngassuteqartunut ilanngunneqarsinnaalluartut, soorlu sulilluni sungiusarfissaqarnissaq suliffissarsiuussisarneq pillugu inatsisartut peqqussutaanni maleruagassiatigut tunngavissianik aallaaveqartoq.

Ataatsimut isigalugu aalajangersakkat ilanngunneqartut allanngortinneqartut makkuupput:

- + sanatsisut pisiarititaat,
- + neqerooruteqartitseriaatsit nassuiarnerat,
- + suliassat tamakkerlugit sularitinnissaannut periarfissat kiisalu

+ paasissutissiisussaatitaaneq.

Malugiuk kaajallaasitami pisanut tunngasuni pineqarmata sanatitsisup nammineerluni innimin-nigai (sanatitsisutut pisiarititat). Sullissisunut pisiarititat kaajallaasitami pineqartut ilaginngilaat.

Neqerooruteqartitseriaatsit assigiinngitsut atorneqarnissaat kaajallaasitami maleruagassiuun-neqarput. Suliassat pisiassallu tamanut ammasumik kikkunniilluunniillu sumiiffimmut attuumassuteqanngikkaluartunit neqerooruteqarfigitinneqartarnissaannik maleruagassiornikkut unammilleqatigiinneq siuarsaavigineqassaaq. Killilimmik (tamanut ammasuunngitsumik) aamma suliaqartinniakkat ilisimatereerlugit neqerooruteqartitsineq taamaallaat immikkut pisoqartillugu atorneqarsinnaavoq.

Suliassat tamakkerlugit neqerooruteqartitsinermi Naalakkersuisut immikkut akuersinissaat piumasagaataajunnaarpoq. Kaajallaasitami pineqanngilaq qanoq pisoqarnerani suliassat tamakkerlugit neqerooruteqartitseriaaseq atorneqarsinnaanersoq, apeqqut tamanna pisuni ataasiakkaani sanatitsisumit aalajangerneqartariaqarmat.

Suliassat tamakkerlugit neqerooruteqartitsinermi paasissutissiisussaatitaaneq atuutilersinneqarpoq, tassa suliassat tamakkerlugit neqerooruteqartitsisarnerup qanoq atugaatiginerata paaseqqissaarneqarnissaa siunertarineqarmat.

Kaajallaasitap imarisai pingaarnertit.

Kaajallaasitaq malillugu sanaartornermi suliassani amerlanerpaatigut unammilleqatigiinne-qassaaq. Siunertaavoq sanaartornermi suliassaqarfiup niuernikkut atugassarititaasut malillugit ingerlasinnaalersinneqarnissaa, tamatumuuna suliassat pisiassallu sapinngisamik akikin-nerpaamik naammassineqarsinnaanngortinniarlugit.

Suliassat pisiassallu tamanut ammasumik kikkunniilluunniillu sumiiffimmut attuumassuteqanngikkaluartunit neqerooruteqarfigitinneqartarnissaannik maleruagassiornikkut unammilleqatigiinneq siuarsaavigineqassaaq. Killilimmik (tamanut ammasuunngitsumik) aamma suliaqartinniakkat ilisimatereerlugit neqerooruteqartitsineq taamaallaat immikkut pisoqartillugu atorneqarsinnaavoq. Taamaalilluni kaajallaasitaq neqerooruteqartitseriaatsit assigiinngitsut atorneqarnissaat pillugit ataatsimoortumik maleruagassiivoq.

Anguniarneqarpoq neqeroorutit appasinnerpaartaat tiguneqartassasoq appasinnerpaamik neqe-rooruteqartup suliag naammassisinnaangikkaa neqerooruteqartitsisup pasinartissanngippagu.

Kaajallaasitakkut "Kalaallit Nunaanni sanaartornermi suliassat atortussallu tunniunne-qartarneri pillugit ataatsimoortumik piumasagaatit" (AP) pinngitsoorani atorneqartussanngortitaapput.

Tamatumuuna piumasagaatit atugassarititaasullu akuerisat assigiiaartullu neqe-rooruteqartitsisup neqerooruteqartullu akornanni isumaqatigiissutinut tunngaviusussat anguneqassapput.

Oqaatigineqassaaq suliassat tamakkerlugit neqerooruteqartitsinerni AP atorneqarsinnaanngimmat.

Aalajangersakkanut ataasiakkaanut nalunaarsuutit.

§ 1 sanaartugassanut sunut kaajallaasitaq atuunnersoq aalajangersarneqarpoq.

§ 2 "Sanaartornermi suliassat atortussallu tunniunneqartarneri pillugit ataatsimoortumik piumasagaatit" pinngitsoorani atugassanngortippai.

§ 3 imarivai sanaartugassatut suliassat arlalinnit unammilleqatigiiffiusumik neqerooruteqarfigineqartarnissaannik kaajallaasitami pingaarnerusutut maleruagassat, suliagartinniakkanilli ilisimatitsererluni neqerooruteqartitsisaneq immikkut pisuni taamaallaat atorneqartassasoq.

§§ 4-5 tamanut ammasumik neqerooruteqartitsineq nassuiarneqarpoq aammalu tamanut ammasumik neqerooruteqartitsinermi piumasagaatit taaneqarlutik.

§ 6 killilimmik neqerooruteqartitsineq nassuiarneqarpoq qanorlu pisoqarnerani killilimmik neqerooruteqartitsineq taamaallaat atorneqarsinnaanersoq taaneqarluni.

§ 7 suliagartinniakkat ilisimatereerlugit neqerooruteqartitsineq qanoq pisoqarnerani pisinnaasoq taaneqarpoq.

§§ 8-10 neqeroorutit sorliup tiguneqartussaanera aalajangersarneqarpoq.

§ 11 tapiissuteqartut nakkutilliinissamut paasissutissiinissamullu pisussaaffilerneqarput.

§ 12 aalajangersakkanik atortuulersitsineruvoq.

II. Aalajangersakkanut ataasiakkaanut nassuiaatit.

§ 1-imut.

Suliassat pisiassallu suuppat?

Kaajallaasitaq suliassanut pisianullu ataasiakkaanut tamanut sanatitsisup isumaqatigiissuteqarfigisaannut atuuppoq. "Suliassaq" tassaavoq suliassaq tamarmiusoq, suliassap ilaannaa imaluunniit suliarititassat ataasiakkaat.

Kommunit sanatitsisut kaajallaasitami pineqartunut ilaatinneqassapput Namminersornerullutik Oqartussat suliassamut aalajangersimasumut tapiissuteqarnissamik neriorsuuteqarsimappata imaluunniit tapiissuteqarpata, utertitsissuteqarfiginnissappata, taarsigassarsisitsissappata qularnaveeqqusiissappataluunniit.

Ingerlatseqatigiiffiit suliffeqarfiillu Namminersornerullutik Oqartussanit namminersortunillu pigineqartut kaajallaasitami pineqartunut ilaatinneqassapput taakku sanaartugassaataat Nunatta karsianiit tapiissuteqarnikkut, utertitsissuteqarnikkut, taarsigassarsisitsinikkut qularnaveeqqusiinikkulluunniit naammassineqassappata.

"Sanaartugassatut suliassat" pineqartut ilagaat illumi atortulersuutit illumullu nalinginnaasumik atasut tamaasa. Pineqartunullu ilaangillat illup iluani pisattat, pigisat aalaakkaasut pisatsersuutillu, soorlu pequtit, siniffiit sikaaviillu sanaartugassatut sulianut ilaatinneqarajunngitsut.

Sanaartugassamut pisiassat sanatitsisumit namminermit pisiarineqarpata pisiat kaajallaasitami pineqartunut ilaatinneqassapput. Sullissisumit pisiat kaajallaasitami pineqartunut ilaangillat.

Sanatitsisup sanaartugassamut toqqaannartumik pisiai kaajallaasitami maleruagassat tunngavigalugit toqqarneqassapput, t.i. unammillersitsilluni neqerooruteqartitsinikkut. Sanatitsisup sullissisumut pisiai taamatulli toqqarneqassapput tamatumali kingomatigut sullissisumut neqerooruteqartitsinani nuunneqarsinnaallutik.

Kaajallaasitami pineqartunut ilaangillat aqutsisutut pilersaarusiortutullu suliassat. Suliffeqarfik sanaartornermi aningaasartuutissanut tamarmiusunut sanatitsisumut akiliisussatut pisussaaffiliisappat tamanna pisinnaavoq kaajallaasitaq aalajangiisuutinnagu, sanaartugassat taanna malillugu neqerooruteqartitsivigineqarsimappata.

Aningaasartuutissat amerlanerpaaffissaat sullissisullu suliassat erseqqissumik taallugit akiligassanngortitamik sulineq neqerooruteqarnikkut sulinertut isigineqassaaq kaajallaasitami pineqartunut ilaasutut. Suliat ataatsimoortumik akit malillugit atukkat malillugit iluarsiiissuteqarfiusussamik suliarineqartunut tamanna aamma atuuppoq. Taamaattoqarnerani ataatsimoortut kaajallaasitaq malillugu neqerooruteqartitsissutigineqassapput.

Imm. 3-mi aalajangersagaq atortunut siviisuumik utaqqeqaarluni pissarsiarineqarsinnaasunut Kalaallit Nunaatalu avataani nalinginnaasuumik pissarsiariniarneqarlutillu pisiarineqarsinnaasunut tunngavoq. Atortussanik – assersuutigalugu maskiinanik atortunilluunniit allanik sanaartornermi atorneqartussanik – suliassap neqerooruteqartitsivigineqannginnerani piniarnissaq sanatitsisumut pisariaqarsinnaavoq atortut taakku siviisuumik utaqqeqaarluni pissarsiarineqarsinnaanerit pissutigalugu. Pisiassat taamaattut neqerooruteqartitsivigineqarnissaat tulluartsuussanngilaq.

Nammineq oqartussaaffigalugu suliaq.

Sanatitsisup nammineq oqartussaaffigalugu suliaa neqerooruteqartitsisarnermik maleruagassat avataanniippoq. Suliassaq sanatitsisup nammineq sulisorisaanit suliarineqassaaq taamaattumilu sullissisoqarluni sulineq pineqarani (taamalu neqerooruteqartitsisoqarani). Suliassat taamaattut ilaat sanatitsisuunngitsumit suliarineqarpata suliassat ilaat taakku kaajallaasitami pineqartunut ilaatinneqassapput.

Nammineq akisussaaffigalugu sulianut assersuutitut taaneqarsinnaavoq sanaartugaq pisortanit tapiiffigineqartoq piginneqatigiilluni inissiatileqatigiinnut tunniussinissaq siunertaralugu sullissi-sumit sanatitsisutut suliarineqartoq. Suliart sullissisup taamaattup nammineq isumaginngisai kaajallaasitami pineqartunut ilaapput. Nammineq akisussaaffigalugu suliaqarnermut tunngavissaa-titaavoq sanaartugassatut suliart aallartinneqareersimanissaat sanaartukkap piginneqatigiilluni inissiatileqatigiiffimmut tunniunneqannginnerani. Tunniussineq siusinnerusukkut pippat suliart kaajallaasitami pineqartunut ilaassapput.

Suliarinnitsitsinerit agguataarnerat.

Sanaartukkat suliarinnitsitsinernut agguataarneqarnissaat pillugu maleruagassanik kaajallaasitaq imaqaanngilaq. Taamaattoq neqerooruteqartitsinermi maleruagassat atorneqartussat malillugit sanaartugaq agguataarneqarsinnaassaaq. Sanaartukkap ilaa nammineq oqartussaaffigisamik imaluunniit akiligassanngortitamik suliaappat suliassat ilaat suliarinnitsitsinernut immikkuutaartu-nut immikkoortinneqarsinnaapput, tassa kaajallaasitami pineqartunut ilaammata.

§ 7, imm. 1, nr. 3 imaluunniit 4 malillugit suliaqartinniakkat ilisimatereerlugit neqeroorute-qartitsisoqarsimappat sanaartukkap ilai suliaqartinniakkat ilisimatereerlugit neqerooruteqartit-sinissamut tunngavissani ilaatinneqanngitsut unammilleqatigiiffiusumik neqerooruteqartitsivigineqarsinnaapput.

Allanut suliarinnitsitsinerit.

Suliarinnitsitsinernut immikkuutaartunut immikkoortitsineq taaneqartoq sanatitsisup pinngit-soortissinnaavaa suliat ilaasa sanatitsisup immikkoortitassaraluisa kaajallaasitami maleruagassat malillugit allanit suliarinnitsissarsiuunnissaasa isumagineqarnissaa sullissisussamisut toqqakkaminut pisussaaffinngortikkuniuk.

Suliffeqarfiup suliassat nammineerluni suliarinngikkaluarlugit sanaartornermi aningaasartuutissanut tamarmiusunut akiliisussatut pisussaaffilersimappat sanatitsisup isumagisariaqarpaa kaajallaasitap maleruagassartai malillugit suliassap neqerooruteqartitsiviginissaa, immaqa allanut suliarinnitsitsininngorlugu.

Periarfissatut taaneqartut eqqaassanngikkaanni sullissisup suliarinnitsitsinera kaajallaasitami pineqartut avataanniippoq.

Suliarinnitsitsinerit kaajallaasitami pineqartunut ilaatillugit aaqqissuussineq imaappoq: Tamanut ammasumik killilimmilluunniit imaluunniit suliaqartinniakkat ilisimatereerlugit neqerooruteqartitsinissaq toqqarneqarsinnaavoq taakku pillugit kaajallaasitami maleruagassat malillugit, taamaattoq suliaqartinniakkat ilisimatereerlugit neqerooruteqartitsineq atorpeqassanngilaq sanaartugaq § 7, imm. 1 nr. 3-mi 4-miluunniit pineqartunut ilaappat. Tamanut ammasumik killilimmilluunniit neqerooruteqartitsisoqarpat neqerooruteqartitassat pillugit §§ 5-imi 6-imilu pineqartut atorpe-qassapput. Neqeroorutinik akuersinermi §§ 8-10 suliarinnitsitsinerit pineqanngillat.

§ 2-mut.

Neqerooruteqartitsineq tassaavoq sanaartugassap piartuaarnerani killiffik neqerooruteqartitsi-nissami atortussat suliarineqarfiat, neqerooruteqartitsineq taakkuninngalu naliliineq aammalu neqerooruteqartumik isumaqatigiissusiorneq.

“Kalaallit Nunaanni sanaartornermi suliassat atortussallu tunniunneqartarneri pillugit ataatsi-moortumik piumasagaatit” (AP) tassaapput tamanut assigiaartumik piumasagaatit katersugaatit sanaartornermi akunnermiliuttut akornanni isumaqatigiissuteqarnissamut piumasagaatit qanoq ittut naleqqunnerussanersut pillugit ukiorpassuarni misilittakkat tunngavigalugit suliarineqarsimasut.

AP piumasaqaatinik tamanut assigiaartunik makkununga tunngasunik imaqarpoq: isumaqatigiis-sutissap tunngavia, suliarinnitsinerup ingerlanneqarnera, sinniisuutitaqarneq suleqatigiinnerlu, piffissaritat, tunniussineq, akisussaaneq ajutoorsinnaanerillu, atorunnaarsitsineq, aningaasanut tunngasut aaqqiagiinngissutillu. Ilanngussami sammineqarput sullivik sullivimmullu tunngasut, pingaartumik sullissisup sullissineri, akiligassannortitamik suliat, tapiliullugit sullissinerit aamma sullissinerup aningaasartaanik iluarsinerit.

AP (AP 95) maannakkut atuuttoq suliassat tamakkerlugit suliarinninnernut atuutinngilaq. Taa-maattumik suliassat tamakkerlugit suliarinninnissaq pillugu neqerooruteqartumik isumaqatigiissuteqarnissamut tunngavissaq alla tunngavigineqartariaqarpoq. Suliassat tamakkerlugit suliarinninnissamut immikkut tunngatitap AP piulernissaata tungaanut isumaqatigiissuteqarnissami tunngavittut atomeqarsinnaassaaq “Suliassat tamakkerlugit suliarinninnissamut piumasarisat” (ABT 93) pisariaqarneratut Kalaallit Nunaannut naleqqussagaq.

Imm. 2-mi aalajangersakkat malillugit AP saneqqutsinerta*qannigitsumik* tamatigut tunngavigineqartassaaq. Immikkut pissutissaqarluni – soorlu suliap qanoq ittuunera – AP-p saneqqunne-qarnissaa sanatitsisimut pisariaqartillugu naleqqutsillugulu saneqqutsinerup sanatitsisup sullissi-sullu soqutigisaasa naligiissitsivigineqarnissaannik AP-p siunertaata nikisingaannginneqarnissaa pingaarutilerujussuuvoq.

AP malillugu sanioqqutsinissamik aalajangersakkat aatsaat atuutissapput sutigut sanioqqutsinerit erseqqissumik paatsuugassaannigitsumillu taaneqarsimagaangata.

Neqerooruteqartitsinerimi atortussani aalajangersagaqartarpoq AP-mut *tapertaasunik*. Isuma-atigiissut malillugu atugassarissat AP-millu saneqqutsinerit sanaartukkanut pisianulluunniit ataasiakkaanut “Immikkut piumasarisani” (SB) suliarineqassapput. Pingaartorujussuuvorli AP-mi aalajangersakkanut ataasiakkaanut tapiliussat sapinngisamik annikitsuutinnissaat neqeroorute-qartitsinerimi atortussat paasiuminaalleqqunagit aammalu tapiliussat oqaasertalersorneqartaria-qarput AP-mik saneqqutsinertut paasineqaqqunagit.

§ 3-mut.

Aalajangersakkakkut kaajallaasitami maleruagassiaq pingaarneq oqaatigineqarpoq: Suliassaq unammilleqatigiiffiusumik arlallit akornanni neqerooruteqartitsissutaassaaq suliaqartinniakkallu ilisimatereerlugit neqerooruteqartitsisimaneq tunngavigalugu tunniussineq pisuni immikkut ittuni taamaallaat pisinnaasoq.

Unammilleqatigiiffiusumik neqerooruteqartitsineq tassaavoq sanatitsisup kajumissaarutigisarmagu

- a) arlallit,
- b) ataatsikkut,
- c) unammilleqatigiinnermi atugassarisat eqquutsillugit aamma
- d) unammilleqatigiinnermi assigiinnik tunngaveqarlutik neqerooruteqartinnerat.

Suliariumannittussarsiuussisarnermi unammilleqatigiinnermi atugassarisat suliariumannittussarsiuussisarneq il.il. pillugit inatsisartut inatsisaanni taagorneqartut assigaat.

Sanatitsisoq isumaqaraluarpalluunniit sanaartugassatut suliassaatini typitut suliarineqarsinnaasooq type aalajangersimasutut suliaritinniarnissaa § 3, imm. 1-ip ajornartippaa. Sanatitsisup neqerooruteqartitsinissamut tunngavissiaq ilusilissavaa suliassarlu kaajallaasitami maleruagassat naapertorlugit tamanut ammasumik imaluunniit pinngitsoortitsinissamut maleruagassat malillugit killilimmik neqerooruteqartitsivigalugu.

Neqerooruteqartitsinissamut tunngavissiaq ilusilerneqassanngilaq typetut suliassaq ataasiinnaq naatsorsuutigineqarsinnaanngorlugu. Suliassaq unammilleqatigiiffiusinnaasariaqarpoq.

Suliassatut pingaarnertut suliarinnittussarsiornermi typitut suliassaq pioreersooq sanatitsisup tunngavissamisut kissaatigisinnaavaa. Periusarli taanna taamaallaat akuersarneqarsinnaavoq typimik suliassamik piginnittup saniatigut allat suliassatut neqerooruteqartitsiviusup suliarine-qarnissaanut periarfissinneqarsinnaappata.

§ 3, imm. 1-ip entreprenørinut isumaqarpoq sanaartugassatut suliassanut ataasiakkaanut unammilleqatigiinnikkut uppernarsarsinnaassagaat sullissinissartik akigititatillu akikinnerpaamik pitsaanerpaamillu sanatitsisumut kinguneqarumaartut.

Unammilleqatigiinnissap piunasaqaataanerata pinngitsoortinneqarnissaa pillugu: tak. § 7.

Imm. 2: Akiligassanngortitamik suliassap suliarineqarnera – aningaasat qaffasinnerpaaffissaat taanagu – kaajallaasitaq malillugu neqerooruteqartitsinermik tunngaveqanngilaq. Suliassat taamaattut kaajallaasitami pineqartut avataanniipput.

Neqerooruteqartitsinermi atortussat tamatumunnga piareersarneqarsimappata akiligassanngortitamik suliassap nal. akunnermusiassartai unammilleqatigiiffiusinnaapput. Neqeroorutimmi nal. akunnerinut missingiussanik imaqarsinnaammata nal. akunnermusiassatut neqeroorutit

naatsorsoreerlugit.

“Immikkut pissutissani” eqqarsaatigineqarput soorlu sanaqqitassat, iluarsagassat allanngortiti-gassallu, taakku annertussusii, pitsaassusissaat imaluunniit qaqugu naammassineqarfissat sioqqutsisumik aalajangeruminaappata.

§ 4-mut.

Suliariumannittussarsiuussineq: “suliassaq ataaseq”.

Suliariumannittussarsiuussisarnermut inatsisartut inatsisaat malillugu suliariumannittussarsiuussineq tassaavoq suliasap pisiassalluunniit neqerooruteqartitsiviginera, tamatumuuna arlallit piffissap aalajangersimasup iluani assigiinnik neqerooruteqarnissamut tunngavissaqarlutik allaganngorlugu allanngortinneqarsinnaanngitsumik neqerooruteqarnissamut kajumissaarne-qartarlutik, kajumissaaruteqarnermi nalunaarneqassalluni allat aamma neqerooruteqarnissaminut kajumissaarneqarsimasut.

Aalajangiisuvoq “suliassaq ataatsimi” unammilleqatigiissitsisoqarnersoq, t.i. sanaartugassap inereerluni ilusissaa pingaaruteqartutigut neqerooruteqartitsinermit tunngavissiani aalajangiivigineqareerluni. Neqerooruteqartut akornanni unammilleqatigiissitsinermi pineqartoq tassaaneruvoq akissaata unammilleqatigiiffigineqarnera. Neqerooruteqartitsinermit tunngavissiaq nalinginnaasoq tassaavoq pilersaarut pingaarneq aammali atortussat teknikikkut siunnersortip pilersaarutaanut siullermut naleqquttut suliariumannittussarsiuussisarnermut il.il. inatsisartut inatsisaanni pine-qartunut ilaasinnaasut.

Suliariumannittussarsiuussineq suliariumannittussarsiuussisarnermut inatsisartut inatsisaanni erseqqinnerusumik taaneqartutut tamanut ammasuusinnaavoq tamanulluunniit ammasuunngissinnaalluni (killilimmik neqerooruteqartitsineq). Kingulliullugu taaneqartoq taaneqarajuppoq “toqqaaluni suliariumannittussarsiuussineq” imaluunniit “suliariumannittussarsiuussineq allanngortitassaangitsoq”.

Suliasat tamakkerlugit suliarinnitsitsineq: “suliassaq ataaseq” pineqarani.

Pilersaarutigisaq taassumaluunniit ilarujussua neqerooruteqartumut ilusilersugassanngortinne-qarsimappat “suliassaq ataatsitut” neqerooruteqartitsissutigineqassanngilaq. Taamaaliortoqarpat imaappoq suliasat tamakkerlugit

neqerooruteqartitsisoqartoq. Taamaaliorneq suliariumannittussarsiuussisarnermik inatsisartut inatsisaanni maleruagassat avataanniippoq inatsisartut inatsisaata § 4-ni, imm. 1-imi neqeroorutit sioqqutsisumik maleruagassiuunneqarnissaasa, ammarnissaannut piumasaqaateqarnissap kinguartinneqarnissaasalu inerteqqutaanerat eqqaassanngikkaanni (aamma takuuk suliariumannittussarsiuussisarnermik inatsisartut inatsisaannut ilitsersuut).

Suliassat tamakkerlugit sularinninnermut ilaatillugu pilersaaruseriorneq suliassamut atatillugu sularineqarsinnaavoq imaluunniit type aalajangersimasutut tamakkiisumik ilaannakortumilluunniit aaqinneqarsinnaavoq. Suliassat tamakkerlugit sularinnitsitsinermi sanaartugassatut suliassaq tamakkerlugu pineqartarpoq. Suliassap immikkoortortai aalajangersimasut – soorlu teknikikkut atortulersuutit ilaasa – suliassatut tamakkerlugit sularinnitsitsinertut neqerooruteqartitsiviginissaat akornutissaqartinneqanngilaq, sanaartugassat sinneri sanatitsisup neqerooruteqartitsinermini tunngavigisaanut immikkoortunut agguataarluakkanut neqerooruteqartitsivigineqarsinnaallutik.

Entrepreneur suliassat tamakkerlugit sularinnittussaq sularinnitsitsinernut pisanullu tamaginnut isumaginnittuugajunneq ajorpoq, entrepreneurinilli allanik suliakkiisarlu pisiarinnitsitsisarluunilu. Sullissinerit tamarmik taamatut ingerlanneqarsinnaapput. Taamatut pisoqaraangat entrepreneur suliassat tamakkerlugit sularinnittoq taamaallaat aqutsinermik isumaginnittarpoq suliassanullu tamarmiusunut isumaqatigiissutitigut akisussaasuusarluni.

Kisianni kialuunniit entrepreneurineq nioqquteqartuunerlu ataatsimoortillugit inissisimaffigisinaanngilai siunnersortitut, ingerlatsisutut imaluunniit sanatitsisumut sanaartornikkut aqutsisutut inissisimaatigaluni. Kinaluunniit teknikikkut aqutsinikkullu neqerooruteqarnissamut tunngavissat ilusilersorneranni, neqerooruteqarnermut, neqeroorutit tiguneqarnerannut, sularinnitsitsinissat ilusilersorneqarnerannut imaluunniit sanatitsinermi tunniussinermilu sanatitsisup suliamik, atortussanik pitsaassutsimillu misissuineranut sanatitsisumut ikiuuttoq suliambut entrepreneur-ussanngilaq sanatitsinermilu suliassamut nioqquteqartuunani taakkuluunniit arlaannut ikiuuttissa-nani. Tamanna aamma atuuppoq suliffeqarfiit assigiinngitsut ataatsimooruteqarpata, soorlu ingerlatseqatigiiffik piginnittuusoq ingerlatseqatigiiffilluunniit pigisaq. "Suliffeqarfik" inuinnaa-sinnaavoq ingerlatseqatigiiffiusinnaalluniluunniit.

Sanatitsisup oqartussaaffigisaanik sanaassamik pilersaaruseriorneq sanatitsisup siunnersuisuinit ingerlanneqassaaq, pilersaaruseriornerlu suliassat tamakkerlugit sularinnitsitsinermut atasoq entrepreneurimit suliassat tamakkerlugit sularinnittussamit ingerlanneqarluarsinnaalluni. Neqerooruterqartut imaluunniit entrepreneurit suliassat tamakkerlugit sularinnittussatut toqqarneqartut pilersaarutip misissomeranut imaluunniit pilersaarutip inaarsarneranut

sanatitsisumut ikiuussinnaapput, soorluttaaq sanaartornermi siulersuisinnaallutik aamma aningaasanut kiisalu sanaartornermi allatut aqutsineq ingerlassinnaallugit.

§ 5-imut.

Kikkulluunniit neqerooruteqarsinnaatitaapput neqerooruteqartitsinerlu sumiiffimmi aalajangersimasumi neqerooruteqartitanut salliutitsissutaassanani.

“Sumiiffimmi” eqqarsaatigineqarpoq nunap immikkoortua killilimmik angissusilik, soorlu kommuni.

Suliassanut pisiassanullu annikitsunut neqerooruteqartitsinermi aningaasartuutit killilerne-qarnissaat periarfissaqarpoq tamanut saqqummiussinissamut piunasaqaatitigut, neqeroorute-qarsinnaatitaasut killiliiffiginngikkaluarlugit.

Neqerooruteqarsinnaatitaasut § 5-ikkut killilivigineqarsinnaaneratt mattunneqanngilaq. Assersuu-tigalugu suliassat neqerooruteqartitanut suliassap naammassineqarnissaanut aalajangiisuusumik teknikikkut immikkut pisinnaasalinnut, immikkut piginnaasaqarfiginnittunut imaluunniit akuerisaasunut killilerneqarsinnaavoq.

§ 6-imut.

Aalajangersakkami oqaatigineqarpoq qaqugukku killilimmik neqerooruteqartitsisoqarsinnaa-nersoq.

Killilimmik neqerooruteqartitsinermi iluaqutaasumik siullermeerutaasumik neqerooruterqartitsisoqarsinnaavoq, tamatumani sanatitsisussap tamanut ammasumik aggersaanermini entreprenørit soqutiginnittut nalunaaqullugit kajumissaarsinnaavai. Tamatumuuna sanatitsisussaq toqqaanissaminut tunngavissaqarnerulersarpoq aammalu suliffeqarfiit amerlanerusut sanaartortitsinermik suliallit iluanni ilisimaneqalersinnaallutik.

Imm. 2: Aalajangersakkap isumatuaraa killilimmik neqerooruteqartitsinermi maleruagassat naleqqussarneqarsinnaaneratt imaanngitsoq suliqartinniakkat ilisimatereerlugit neqerooruter-qartitsisoqarsinnaasoq. Tamanna taamaallaat § 7-imi maleruagassat naapertorlugit pisinnaavoq.

§ 7-imut.

Suliaqartinniakkat ilisimatereerlugit neqerooruteqartitsineq ima paasineqassaaq, neqeroorutit unammilleqatigiinnikkut neqerooruteqartitsissutaanngitsut. Suliaqartinniakkat ilisimatereerlugit neqerooruteqartitsineq pisinnaavoq sanatitsisussap entreprenøri aalajangersimasoq neqerooruteqaqqullugu kajumissaarpagu. Akigitinniagaq sanatitsisussap entreprenørilla akornanni isumaqatigiinniarnikkut pisinnaavoq imaluunniit sanatitsisussap nammineerluni akigitinniagaq aalajan-gersinnaallugu sioqqutsizsumik neqerooruteqartitsinani entreprenørimit akueritillugu. Suliaqartinniagaq ilisimatereerlugu marluk neqerooruteqartinnerat – suliariumannittussarsiuussinermut inatsisartut inatsisaat malillugu inatsimmik unioqqutsizsinerunngitsoq – kaajallaasitap isumaani unammilleqatigiinnertut isigineqanngillat.

Aalajangersakkami taaneqarput qanoq pisoqarpat suliaqartinniakkat ilisimatereerlugit neqerooruteqartitsisoqarsinnaanersoq. Malugiuk § 7 naammalluartumik nassuiaataammat. Aalajangersakkami taaneqartut saniatigut allanik suliaqartinniakkat ilisimatereerlugit neqerooruteqartitsisoqarsinnaangilaq.

Imm. 1, 1): Suliassaq § 3-mi, imm. 2-mi taaneqartutut ilaanneeriarluni akiligassanngortitamik ingerlanneqarsinnaavoq. Akiligassanngortitamik suliassat tassaasinnaapput sanaqqi-tassanik, iluarsagassanik allanngortitigassanillu suliassat, neqerooruteqartitsinermi tunngavissanik aalajangersaavigineqarsinnaanngitsut.

Imatulli pisoqarsinnaavoq, tunngavissat ima erseqqitsigisumik nassuiarneqarsinnaa-natik allaat suliassaq tamanut ammasumik imaluunniit killilimmik neqerooruterqartitsissutaasinnaanani, akierlianilli neqerooruteqartitsinissamut tunngavissat ima annertutigalutik – soorlu erseqqinnerusumik isumaqatiginninniarnikkut – suliaqartinniakkat ilisimatereerlugit neqerooruteqartitsissutaasinnaalluni.

Imm. 1, 1) taamatut pisoqarsinnaaneranut sammisitaavoq taamaalillunilu akiligassanngortitamik suliassanut taarsiullugu qinigassatut atorneqarsinnaalluni. Aalajangersakkap tunngavia tassaavoq, sanatitsisup neqerooruteqarnermi akigitinniagaq angorusunnerussamagu tamanna suliaqartinniakkat ilisimatereerlugit suliarnittussarsiuussinermi pissagaluarpat, taamalu suliassaq regningiliugassamik suliassatut suliartillugu.

Imm. 1, 2): Suliassani annikinnerusuni neqerooruteqartitsineq suliariumannittussarsiuussinissal-
luunniit aallartinnissaat pitsaasuussanngilaq. Taamaammat suliassani taakkualuunniit
ilaanni katillugit 500.0000 kr.-it angullugit aningaasartuuteqarfiusussani suliaqartinni-
akkat ilisimatereerlugit neqerooruteqartitsisoqarsinnaavoq. Aningaasat sanatitsinermi
suliassat tamarmik aningaasartuutissartaannut, sularinnitsitsinernut
ataasiakkaa-nuunngitsoq, tunngapput. Immikkoortukkuutaartumik sanaartornermi
erseqqissumik aalajangerneqassaaq “suliassat tamarmik” immikkoortuni ataasiakkaani
imaluunniit immikkoortuni tamani ilaatinneqarnersut.

Imm. 1, 2)-mi “katillugit aningaasartuutit” suliassanut nammineq oqartussaaffigisamik
imaluunniit akiligassanngortitamik sulianut tunngasuunngillat taamaammallu kaajal-
laasitami pineqartunut ilaatinneqaratik.

Imm. 1, 3): Aalajangersagaq sammisinnerqarpoq pisunut suliffeqarfiup aalajangersimasup suliassa-
nut kisimiilluni oqartussaaffigisaanut imaluunniit ilimagineqarpat sullissinernut
immikkut ittunut aalajangersimasunut taamaallaat suliffeqarfik ataasiinnaq suliamik
naammaginartumik ingerlatsisinnaasoq.

Imm. 1, 4): “Immikkut allanik pissuteqartuni” assersuutitut taaneqarsinnaavoq entreprenør-
sularinnitsitsinermut sularinnitsitsinertut aallarereersimasaanut nangeqqiinnariagaa-
nullu suliassinneqarsinnaanera pissusissamisoortuusinnaasoq. Tassunga assersuutigine-
qarsinnaavoq sanaartukkami natilersuinerup sularineqarnerani
naammassingajalerneraniluunniit sanaartugaq ineeqqanik ima imalu amerlatigisunik
ilaneqartussanngo-raangat. Sanaartukkami nutaami pineqartumi allami
kingusinneruskullu neqerooruteqartitsiffiusumi taamatut natilersuineq
natilersueqqaarnermut nalinginnaasumik nangitsinertut isigineqarneq ajorpoq.

Assersuutitut taaneqarsinnaavoq sanaassaq, tamatumani ilanngullugit sanaassap
siuarsaavigineqarnissaa siunertaralugu annertuumik misiligaaneq nioqutissiamilluunniit
ineriartortitsineq. Sanaassani taamaattuni sanatitsisup aammalu entreprenør-
nioqutissiortullu akornanni sanaassap ilusilersorneqarnissaa pillugu qanittumik
suleqatigiinnissaq pisariaqarpoq. Aammattaaq misiligaanermut ineriartortitsinermullu
aningaasartuutit akisussaaffiginissaannut immaqaluunniit akilerneqarnissaannut
immikkut isumaqatigiinniarnert pisariaqarsinnaapput. Taamaammat sanaassap
ingerlanneqarnissaa pillugu illua’ tungiliuttut akornanni toqqaannartumik akulikitsumik
isumaqatigiinniartarnerit, tassalu suliaqartinniakkat ilisimatereerlugit sularinnittussar-

siuussinerit, periaasiupput naleqqunnerpaat. Tamanna atuuppoq misiligaaneq nioqqutissiamilluunniit ineriartortitsineq sanatitsisup imaluunniit *entreprenør*rip/nioqqu-tissiortullu suliniuteqarnerisigut ingerlanneqaraluarpuunniit.

§ 8-mut.

Suliariumannittussarsiuussisarnermik il.il. inatsisartut inatsisaanni § 3, imm. 2 malillugu tamanut ammasummik aggersaallunilu suliariumannittussarsiuussinerimi neqerooruteqartitsisup neqeroorutigineqartut akornanni toqqaanissaminut itigartitsinissaniluunniit pisinnaatitaaffigaa.

Suliariumannittussarsiuussisarnermik inatsisartut inatsisaannut ilitersuut malillugu inatsisartut inatsisaatigut siunertaavoq neqeroorutip akikinnerpaap atorineqarnissaa.

Akikinnerpaamik neqerooruteqartup tiguneqarnissaa malittarisassaavoq pingaarneq. Taamaattorli imm. 2-mi taaneqartutut pisut ilaanni akikinnerpaamik neqerooruteqarneq naatsorsuutigineqarsinnaaneq ajorpoq.

Aalajangersakkami neqeroorutit tiguneqartarnerat pillugu suut atuuttuussanersut sukumiisumik nassuiarneqarpoq. Sanatitsisup tamatuma saniatigut tamanut tunnganerusumik neqerooruteqartup sulisussai, innersuussutai misilittagaalu neqeroorummik naliliiniarnermini ilanngutissanngilai. Assersuutigalugu piumasarineqarpat suliarinnikkumasut aalajangersimasumik teknikikkut sulisussaqaassasut ilisimasaqarluartuussallutilluunniit, tamanna neqerooruteqarnermi atortussani allassimasariaqarpoq, taamaalilluni piumasaaqatip naammassineqarnissaa neqerooruteqarnerup ilagilissallugu. Piumasaaqat naammassineqarsimangippat neqerooruteqarneq atunngitsoortinneqarsinnaavoq.

Pisortanut akiitsut akilersinniarnaqartarnerat pinaveersaartinneqarnissaallu pillugit Inatsisartut peqqussutaanni nr. 3-mi, 2. maj 1996-imeersumi suliffeqarfinnik sulisussarsiarinnittarneq pillugu aalajangersagaqarpoq. Suliffeqarfinnik sanaartornissanut kiffartuussinissanilluunniit sulisussarsiarinnittoqartillugu Naalakkersuisut kommunalbestyrelsiluunniit § 7, imm. 1 naapertorlugu aalajangiisinnaapput “suliffeqarfiit akilerneqanngitsunik akileraarutinut, akitsuutinut imaluunniit inuussutissarsiutitigut ilinniagaqarnermut sulisitsisut akiliutaannut akiligassaartoqarnera isigineqassasoq”.

Suliasaq pisiassarluunniit sumiiffimmi aalajangersimasumi neqerooruteqartitsissutaasoq aalajangernerimi taamaattumi ilaatinneqarsinnaavoq. Taamaalilluni akikinnerpaamik neqeroorute-

qartoq – soorlu piffissaq killiliussaq nallertinnagu – aalajangiinermi piumasaqaatinik naammassin-
nissimangitsoq suliamik suliarinninnissaminut tiguneqanngissinnaavoq.

Neqerooruteqarneq sorleq akikinnerpaava?

Neqeroorutip sorliup akikinnerpaanerata paasineqarnissaa kaajallaasitakkut aalajangersaavigine-
qanngilaq. Naatsumik oqaatigalugu imaappoq neqeroorut aningaasartatigut akikinnerpaaq
imaaliallaannarluni tiguneqassanngitsoq. Neqerooruteqarnermi akigititassaq naammaginar-
toq aatsaat ersertarpoq neqeroorummiit suliarinnittussarsiornermut tunngavigisamullu pissutsit
immikkoorutaasut eqqarsaatigineqareeraangata. Pissutsit taamaattut siullertut pingaarnepaatullu
neqeroorutit qinigassat atorneqarsinnaasut aappaattut imaluunniit neqeroorummik uninngatitsi-
gallarnertut iluseqarlutik pilersarput.

Neqeroortitsisup immikkut isiginiagassat akissaat nalilersussavai suliarinnikkumasut immikkut
isiginiagassat pillugit oqaloqatiginagit. Neqeroortitsisoq suliarinnikkumasut arlaannaannulluunniit
saaffiginissanngilaq, immikkut isiginiagassat nalilersomeranni kina akikinnerpaamik suliarinnik-
kumasooq aalajangerneqareersinnagu.

Assersuutigalugu suliarinninnissap pappiarartaani ilinniartunik sulisitsiner-
mi bonusisiassanik neqeroorutit akiliutissartaanni aningaasanik aalajangersimasunik
annikillitsinertalimmik aalajangersaasoqarsimappat, neqeroorutip akiliutissartaa
bonusisiassap naatsorsoreernerani aalajangersarneqassaaq.

Neqeroorutininik akikinnerpaanik itigartitsineq.

Neqeroorutit akikinnerpaat itigartinneqarsinnaaneri pillugu maleruagassaq
patsiseqartinneqarpoq kinguortoortit aammalu aningaasartuuteqarnerunerit –
tamatumani ilanngullugit nakkutilliinermi aningaasartuutit amerlanerulernerat –
entreprenør-
ip suliamik ingerlatsinerlunnerata kinguner-
i imaluunniit entreprenør-
ip taarserneqarsimanerata kingunerisinnaasai. Neqeroorut
itigartinne-
qarsinnaavortaaq pissusiviusut malillugit appasippallaaruni. Neqeroorut
itigartinneqarpat
sanatit-sisoq neqeroorummut akikinnerpaap tullianut ingerlaqqissaaq.

Sanatitsisoq akigitinneqartussat akuersaarneqarsinnaasut pissarsiarineqanngippata
neqeroorutininik tamaginnik itigartitsinissaminut § 8-mi aalajangersakkakkut
akornuserneqanngilaq.

Sanatitsisup pappiaratigut uppersaanera.

Sanatitsisup pissutsinik taaneqartunik akikinnerpaamik neqeroorutip itigartinneranut patsisaasinnaasunik pisoqarnerseq qulakkii vinniartussaavaa. Neqeroorutip akikinnerpaap itigartinneqarneranut patsisaasooq sanatitsisup allakkatigut oqaaseqaatikkut erseqqinnerusumik tunngavilersussavaa oqaaseqaallu qinnuteqartoqarneratigut tapiissuteqartutut oqartussaasumut tunniutissallugu.

§ 9-mut.

Suliariumannittussarsiuussisarnermut inatsisartut inatsisaata § 3, imm. 2 malillugu neqeroortitsisooq toqqaalluni suliariumannittussarsiuussinermi neqeroorutit tunniunneqarsimasut akornanni neqeroorutininik qinersinissamut imaluunniit taakku tamaasa itigartinnaannut pisinnaatitaavoq. Kaajallaasitami § 9-ata kinguneranik neqeroortitsisup akikinnerpaamik neqeroorutaasooq akuerisinnaavaa imaluunniit neqeroorutit tamaasa itigartissinnaallugit.

§ 10-mut.

Suliassat tamakkerlugit neqerooruteqartitsinermi akitiguinnaangitsoq aammattaarli aaqiiissutaasinnaasutigut unammilleqatigiissitsineqassaaq. Taamaammat akikinnerpaamik neqeroorutip taamaallaat nassaarinissaa naammangilaq. Neqeroorut pitsaassutsimik neqeroorutit akornanni pitsaanerpaanik atugassarititalik aammalu akitigut pitsaassutsillu eqikkarlugit pitsaanerpaanik atugassarititalik, piukkunnarnerpaassaaq.

§ 11-mut.

Pisortaqarfiit ataasiakkaat taakkunungaluunniit atallutik suliffeqarfiit suliffeqarfiillu nammi-nersortitat – sanatitsisutut tapiissuteqartutulluunniit oqartussaasutut inissisimagaluarunik – piu-maffigineqarput kaajallaasitami maleruagassat malittarineqarnissaasa misissuiffiginissaannut.

Taarsigassarsisitsinissamut tapiissuteqarnissamulluunniit neriorsuutip suliarineqarnerani – kommunimuugaluarpat, inummut imaluunniit ingerlatseqatigiiffimmut – tapiissuteqarluni oqartussaasup qularnaassavaa taarsigassarsisup tapiiffigineqartulluunniit piumasaaqatit taakku akuerissagai. Taamaammat taarsigassarsisut tapiiffigineqartullu – taarsigassarsisinneqarnissamut tapiiffigineqarnissamulluunniit piumasaaqatit – atsiormikkut neqerooruteqartarneq pillugu kaajallaasitami maleruagassat malittussaallugit uppersaassapput.

Nalinginnaasumik naatsorsuutigineqartarpoq suliarinnitsitsinissamik aatsaat isumaqatigiissute-qartoqartassasoq aningaasaliissutit tapiissuteqarfigineqarnissamillu neriorsuutit pissarsiarine-qarpata aammalu suliarinnitsitsinerup tamarmiusup nalinga entreprenørillu suliarisinnaasai isumannaarneqarpata.

Paasissutissiisussaataaneq.

Immikkoortoq 2-mi aalajangersakkap siunertaraa tamakkiisumik suliariumannittussarsiuussi-sarnerup qanoq annertussusiata qulaarneqarnissaa. Taanna neqerooruteqartitsisarneq pillugu nalunaarutip siusinnerusukkut atuuttumi aalajangersarneqarmat tamakkiisumik suliariumannit-tussarsiiuussisarneq taamaallaat pisinnaasoq Naalakkersuisut akuersisinneqareernerisigut. Misilittakkanik naammattunik pissarsisoqareernissaata tungaanut aaqqissuussinerup ingerlaannarnissaa eqqarsaataavoq.

§ 12-imut.

Atuutilerfissaq pillugu aalajangersakkanik imaqarpoq.